

## IV. OPOSICIÓN E CONCURSOS

### SERVIZO GALEGO DE SAÚDE

*RESOLUCIÓN do 24 de setembro de 2012, do tribunal encargado de xulgar o proceso selectivo para o ingreso na clase de farmacéutico inspector de Saúde Pública, relativa á publicación das puntuacións definitivas do segundo e terceiro exercicio da fase de oposición, da conclusión da fase de oposición e á apertura da fase de concurso do proceso selectivo convocado por Resolución do 27 de xullo de 2010 (Diario Oficial de Galicia número 149, do 5 de agosto).*

A base sexta da Resolución do 27 de xullo de 2010 (DOG nº 149, do 5 de agosto), da Dirección de Recursos Humanos, pola que se convoca concurso-oposición libre para o ingreso en diversas clases de persoal sanitario funcionario ao servizo da Comunidade Autónoma incluído no ámbito de aplicación da Lei 17/1989, do 23 de outubro, prevé no punto 7 da fase de oposición que, tras a publicación da puntuación provisional do exercicio, os/as interesados/as poderán presentar reclamación ante o tribunal no prazo de cinco días hábiles. A estimación ou desestimación das ditas reclamacións entenderase implícita na resolución pola que se publiquen as puntuacións definitivas do exercicio.

Así mesmo, prevé o punto 1 da fase de concurso que, rematada na súa totalidade, a fase de oposición o tribunal publicará un acordo no *Diario Oficial de Galicia* en que se declarará rematada a fase de oposición, abrindo o prazo da fase de concurso.

De conformidade coas mencionada bases, transcorrido o prazo de reclamación, á vista das reclamacións presentadas, o tribunal

#### RESOLVE:

Primeiro. Publicar as puntuacións definitivas do segundo e terceiro exercicio da fase de oposición obtidas polos/as aspirantes presentados/as á clase de farmacéutico inspector de Saúde Pública, no proceso selectivo convocado por Resolución da Dirección de Recursos Humanos do Servizo Galego de Saúde do 27 de xullo de 2010 (DOG nº 149, do 5 de agosto).

Segundo. Declarar rematada a fase de oposición e publicar a relación de aspirantes que superaron esta fase.

Terceiro. As listaxes as que se fai referencia nesta resolución poderán ser consultadas na páxina web do Servizo Galego de Saúde, e nos taboleiros de anuncios dos servizos centrais e periféricos da Consellería de Sanidade e do Servizo Galego de Saúde.

Cuarto. Abrir o prazo de quince días hábiles contados desde o seguinte a esta publicación, para que todos/as os/as aspirantes que superasen a fase de oposición acheguen inescusablemente a seguinte documentación, pois do contrario quedarían excluídos do proceso selectivo:

- a) Fotocopia compulsada do DNI ou pasaporte.
- b) Fotocopia compulsada do título exixido para o ingreso na clase de farmacéutico inspector de Saúde Pública.
- c) Os/as participantes que accedan pola quenda de persoas con discapacidade deberán presentar, ademais, certificación acreditativa da súa condición.
- d) De ser o caso, certificación de servizos prestados, con referencia ao último día inclusive, do prazo de presentación de solicitudes.

Deberán presentar copia traducida por tradutor xurado daqueles títulos que estean redactados nun idioma distinto a calquera dos oficiais do Estado español.

A documentación poderá presentarse no rexistro xeral dos servizos centrais e periféricos da Consellería de Sanidade e do Servizo Galego de Saúde, ou a través de calquera dos procedementos do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

Quinto. Esta resolución poderá ser impugnada polos/as interesados/as nos termos previstos no número 3 da base oitava da citada convocatoria.

Santiago de Compostela, 24 de setembro de 2012

Ramón Martínez Blanco  
Presidente do tribunal